

Makatulong sa Paghubog sa Hinaharap ng Pagpopondo sa Lokal na Transit sa San Mateo County



Ang San Mateo County Transit District (karaniwang tinutukoy bilang “SamTrans”) ay ang nangungunang provider ng pampublikong transportasyon sa San Mateo County, na pinamamahalaan ang SamTrans bus, Ride Plus on-demand ride-share, at mga serbisyong paratransit ng Redi-Wheels at RediCoast sa buong County. Iniuugnay ng mga maaasahang serbisyo ng transit na ito ang mga residente sa mga trabaho, pangangalagang pangkalusugan, kanilang mga komunidad, at mga panrehiyong sistema ng transit.

Pagprotekta sa Mga Maaasahang Serbisyo sa Panrehiyong Transit


Nananatiling konektado ang Bay Area sa pamamagitan ng panrehiyong sistema ng transit na iniuugnay ang ating mga county nang magkakasama. Makatutulong ang organisado, mabisa, at maaasahang pampublikong transit na bawasan ang pagsikip ng trapiko, bawasan ang polusyon, at magbigay ng abot-kayang opsyon ng transportasyon para sa mga residenteng may mababang kita, para sa mga estudyante, senior, taong may kapansanan, at sumasakay.

May lumalaking kakulangan ng budget para sa ilan sa ating mga panrehiyong sistema ng transit, kabilang ang Caltrain, BART, at Muni. Ang lahat ng pagsasara ng mga istasyon at lugar ng paghinto, pagkansela ng mga serbisyo tuwing weekend at sa gabi, at pag-alis ng serbisyo sa ilang ruta ng tren ay kasalukuyang isinasalang-alang bilang mga pagbabawas ng gastos.

Mapapataas ng Panukalang Pagkonekta sa Bay Area ang Mga Pondo para sa Panrehiyon at Lokal na Transit

Pinapaikot ng independiyenteng grupo ng mga mamamayan ang isang potensyal na 14 na taong panukala sa buwis sa pagbebenta ng limang county. Kung maging kwalipikado ang panukala sa balota sa Nobyembre 2026 at maaprubahan ito ng mga botante, gagawing matatag ng panrehiyong buwis ang pagpopondo sa pampublikong transportasyon upang mabalanse ang mga nakaplanong pagbabawas ng pondo sa serbisyo ng transit at mapigilan ang mga pagsasara ng istasyon sa buong Bay Area, kabilang ang San Mateo County.

Dagdag pa rito, magbibigay ang panukala ng humigit-kumulang \$50 milyon sa taunang lokal na kinokontrol na pondong nakatalaga sa pampublikong transit sa San Mateo County na pinamamahalaan ng SamTrans. Ang buong lokal na pagpopondong ito ay para sa transit sa loob ng San Mateo County — walang pondo ang maaaring makuha ng Estado o mga county sa labas.



Lokal na Pagpopondo para sa Lokal na Serbisyo ng Transit

Bumubuo ang SamTrans ng lokal na plano para sa kung paano ipupuhunan ang karagdagang \$50 milyong ito sa taunang lokal na pagpopondo ng transit sa pagkakataong maaprubahan ang panukala. Mahalagang bahagi ng prosesong ito ng pagpapalano ang pakikipag-ugnayan ng stakeholder at saloobin ng komunidad. Potensyal na magagamit ng SamTrans ang pagpopondong ito upang:



Pahusayin ang mga ruta ng transit upang mabawasan ang trapiko sa mga koridor na madalas na dinaraan



Maipagpatuloy ang programa sa libre at mas mababang pamasahang para sa mga senior, estudyante, at mga taong may kapansanan




Protektahan ang imprastraktura ng transit laban sa pag-angat ng lebel ng dagat, pagbabaha, at matitinding lagay ng panahon



Mapahusay ang kaligtasan, kalinisan at aksesibilidad sa mga istasyon ng bus



Mapahusay ang serbisyo ng bus upang maging mas mabisa, mas mabilis, at mas maaasahan



Mapalawak ang akses sa transit para sa mga komunidad na kasalukuyang kulang ang serbisyong natatanggap



Magsagawa ng mga pagkumpuni at pagpapahusay sa naglulumang mga paratransit na sasakyan upang matiyak ang maaasahang serbisyo



Mabawasan ang emisyon ng greenhouse gas at mapahusay ang kalidad ng hangin sa pamamagitan ng pagtransisyon sa mga bus na walang emisyon



Ikumpuni ang mga pothole at ayusin ang mga kalsada sa mga ruta ng bus



Mag-alok ng mga abot-kayang ride-share at on-demand na programa sa higit pang komunidad



Transparency at Pananagutan

Magdidikta ang potensyal na panukalang ito ng pamantayan sa mga operator ng transit tulad ng BART at Muni na tiyakin ang pananagutan at mga pagpapahusay ng serbisyo, kabilang ang malinis at ligtas na mga istasyon at sasakyan ng transit, koneksyon sa pagitan ng mga sistema ng transit na inorasan nang maayos, at malinaw na paggastos upang makita ng mga residente kung saan napupunta ang kanilang mga dolyar na buwis. Maglalaman ang potensyal na panukala ng detalyadong plano ng paggastos at taunang pag-awdit, superbisyon, at mga kinakailangan sa transparency upang matiyak na ang lahat ng pondo ay gagastusin tulad ng ipinangako.

Inyong Transit, Inyong Boses

Pinangungunahan ng SamTrans ang isang pakikipag-usap sa komunidad upang marinig ang inyong mga prioridad sa kung paano dapat ginagamit ang mga pondo sa San Mateo County kung maging kwalipikado ang potensyal na panukala para sa balota at kung aprubahan ito ng mga botante. Mahalaga ang inyong feedback at boses sa ating paghubog ng hinaharap ng transit sa San Mateo County. Mangyaring kumpletuhin ang survey card upang ibahagi ang inyong mga prioridad para sa SamTrans. Upang sagutan ang survey online, i-scan ang QR code.



samtrans.com



[/SamTrans](https://www.facebook.com/SamTrans)



[@SamTrans](https://twitter.com/SamTrans)



[@gosamtrans](https://www.instagram.com/gosamtrans)

samTrans